

IIB MA GALO

FAAFINTA



الرسمية

RASMIGA AH

الجريدة

JAMHUURIYADDA DIMOQRAADIGA SOOMALIYA

الجمهورية الصومالية الديمقراطية

Sannadka 10aad Muqdisho 29 Nofember 1982, 1 R 11

FAAHFAAHIN BIL SOO BAXA

جريدة شهرية

Laanta Faafinta Rasmiga ah ee Madaxtooyada J.D.S.

QIIMADU waa 5 Shiln lambar waliba—RUKUNKA: Sannadii waa Shs. 100 Somaliya gudaheeda—dibaddeedana waa Shs. 300, Ruknka la weydiisto waqtiga loo gooyey wuxuu ka bilaa-bmaa 1 Janayo Qiimaha qoritaanku F.R. halkii sadar iyo waxoo ka yar waa 2 laba Sh. — Rukunka iyo qoritaanka waxaa a weydiistaa laanta Maamulka Faafinta Rasmiga ah—lacagta waxaa lagu bixinayaa Xafiiska Canshuuraha ee Wasaa-radda Lacagta.

K O O B N I I N

QAYBTA KOWAAD

SHARCI

SHARCI L. 39 ee 13 Sebt. 1982, U rogid

Sharci, Xeer Sharci Damb. 4 ee 11.8.82 BOG. 1017

kuna saabsan Dhoofinta Badeeco lagu

soo beddelo karo badeeco kale

QAYBTA LABAAD

XEER

XEER WASAARADDA M. & BIYAH A L. 19

ee 13.Abr. 81, Sicirka Biyaha lagu » 1020

Iibinayo.

XEER WASAARADDA MALIYADDA L. 20

ee 12 Agoos. 82, Dhaqan gelid Lacagta » 1021

100-iy 20ah.—

Xeer Wasaaradda Dhalinyarada & Isboortiga L. 22
ee 20.4.1982, Toosinta, Adkeynta Anshaxa & Asluubta
Ispoortiga.

WASIIRKA

Wasiirka Wasaaradda Dhalin. & Ispoortiga
MARKUU ARKAY: Qodobka 87aad ee Dastuurka Ja
mhuuriyadda Dimoqraadiga Soomaaliya L.3aad

MARKUU ARKAY: Qod. 5aad ee Dastuurka J. D. S.

iMARKUU ARKAY: Sharciga L. 3 15 Desember 1976ki
Qodobkiisa 17aad.

MARKUU TIIXGELIYEY: Baahida loo qabo toosinta
Adkeynta Anshaxa & Asluubta Ispoortiga Dalka.

WUXUU SOO SAARAYAA

XEERKA SOO SOCDA

QAYBTA 1AAD

Ka mid noqoshada Garsoorayaasha Ispoortiga ka
la duwan ee Dalka J. D. Soomaaliya.

Qod. 1aad

Waxaa Garsoore Ispoorti loo qaadan karaa qof
kastoo Soomaali ah oon da'diisu ka yarayn 25 Sanno
kana weyn 30 Sanno, wuxuuna Garsooridda Ispo
rtiga ka fariisanayaa marka da'diisu gaarto 50 Sanno
ama marka Lixaadkiisa wax ka dhinmaan, ama uu sa
meeyo falal ka reebaya Garsoorka Cayaaraha.

Qod. 2aad

Qofka loo qaadanayo Garsoore Ciyaareed waa
inuu ahaadaa qof Lixaadka Jirka iyo Maskaxdu u
dhan yihiin, Caafimaadkiisuna wanaagsan yahay.

Qod. 3aad

Qofka loo qaadanayo Garscore Ciyaareed waa inuu yahay qof aanay aqooniisu ka hooseyn D/Dhex ama wax u dhigma.

Qod. 4aad

Qofka ncqonaya Garsoore Ciyaareed waa inuu yahay qof aqoon u leh nooca Cayaarta uu doonayo inuu Garsoore ka noqdo uuna jecel yahay qaabkeeda na leeyahay.

Qod. 5aad

Qofka loo qaadanayo Garsoore Ciyaareed waa inuu yahay qof aan dembi ka Oolin Maxkamadaha Dalka amaba aan hora loogu aadin Ciqaab Ansheexed lagaga fariisiyey gebi ahaan Garsoorka Ispoortiga Dalka.

Qod. 6aad

Qofka noqonaaya Garsoore Ciyaareed hadduu ho ra Garsoore uga ahoo nooc kale ee Cayaareed waa in uu caddeyn qoraal ah kaga tanasulaa tii hore ka dibna loo Diiwaan geliyaa mudda cusub haddii uu la yimaado ama buuxiyo Shuruudaha laga doonayo.

Qod. 7aad

Qofka laba nooc Cayaareed ugu diwaan gashan Garsooranimo haddii uusan la imaan wax dhaliil ah ama uusan isagu caddeyn qoraal ah kaga tanasulin Garsooranimada labada Cayaarood mid ka mid ah waa

loo ogol yahay in uu isku wado Garsoorka labadaas nooc Cayaareed.

Qod. 8aad

Garsooraha u Diiwaan gashan in uu ka Garsooro laba nooc Cayaareed haddii fulinta labada Sharci ee la

gu maamulo labadaas Cayaarood ay isaga darsamaan amaba fulintooda lagu dhaliilo, Xiriirku wuxuu awood u leeyahay in uu ka joojiyo Garsooranimada nooca Ca yaarta lagu dhaliilay.

Qod. 9aad

Lama ogola in laba nooc Cayaareed wax ka badan qof Garsoore ka noqdo.

Qod. 10aad

Qofka Garsooraha noqonaya waa in uu barto xusuu fiicana u yeesho qawaaniinta nooca Cayaarta uu ka Garsoorayo, isaga oo soo maraya Tababar Farsamo ka dibna maraya Imtixaan uu kaga gudbo dhibco aan ka yareyn boqolkiiba 60/ si loogu aqoonsado Garsoore heerka 3aad (ARBITO DI 3o GARADO).

Qod. 11aad

Heerarka Garsoorayaasha Cayaaraha kala duwan waxay u kala baxaan afarta heer oo kala ah:

1. Garsoore Caalami ah (INTERNAZIONALE)
2. Garsoore Heerka 1aad (NATIONALE)
3. Garsoore Heerka 2aad
4. Garsoore Heerka 3aad.

Qod. 12aad

- (A) Waxaa Garsoore Caalami ah noqon kara qofkii isagoo heerka 1aad ah hela aqoonsiyada Caalamiga ah ee Garsoorenimo taasoo ku imaaneysa qiimeynta & Aqoonsiga Xiriirkka uu ka tirsan yahay oo la tashaday Guddiga Olimbikada Qaranka, isla markaa na loo cuskanayo qawaaniinta Ururada Caalamiga ah.—

uu joogo kan ku xiga, isagoo aan waqtii iyo shuruudaa kale toona lagu xirin, waana marka Garsooruhu buuxiyo shuruudaha laga doonayo u gudbidda heerka u tegayo.

- (C) Garsooraha heerka 3aad wuxuu heerka 2aad u gudbi karaa marka uu Garsoore ka noqdo ugu yaraan Labaatan (20) Cayaarood oo heerka 3aad ah, ama sida ku xusan Xarafka (b) ee isla qodobkan.
- (D) Garsooraha heerka 2aad wuxuu heerka 1aad u gudbi karaa marka uu Garsoore ka noqdo Labaatan & Shan (25) Cayaarood oo heerka 2aad ah, ama sida ku xusan Xarafka (b) ee isla qodobkan.
- (E) Xiriirku wuxuu awood u leeyahay inuu Sanad walba LiiskaGarsoorayaasha Caalamiga ah iyo kuwa heerarka kaleba dib u raaco kana saaro Garsoorayaal hora ugu jirey kuna daro kuwa cusub, iyadoo la qaymeynayo wax qabadka Garsoorawalba amaan iyo Dhaliil.
- (F) Xiriirku wuxuu awood u leeyahay inuu Garsoorihi ka soo bixi waaya Xilkiisa ama ay ku cadaato inuusan u qalmin heerka uu joogo, amaba dhowri-waaya Shuruucda Ispoortiga lagu maamulo in uu ka qaado talaaboooyinka hoos ku qoran:—
1. In laga joojiyo Safar uu Debedda u aadi lahaa
 2. In la siiyo Canaan qoraal ah
 3. In la siiyo Degniin qoraal ah
 4. In Garsooranimada laga fariisiyo in muddo ah
 5. In heerka uu joogo kan ka hooseeya loo celiyo
 6. In Liiska Garsoorayaasha laga saaro, Aqoonsiga Garsooranimana laga qaado.
- (G) Garsooraha marka Cigaabahaas mid ka mid ah

(H) Garsooraha ku qanci waaya Go'aanka Guddiga Anshaxa ee Xiriirku u magacaabo waxaa u banaan in uu rafcaan u qaato Guddiga Olimbikada Qaran-ka muddo 15 Casho gudohood ah laga bilaabo mar-ka u helo Go'aanka Guddiga Anshaxa.

Qod. 2aad

(WAAJIBAADKA GARSOORAH)

Qod. 13aad

Garsooruuhu marka uu gelayo Garconka waxaa la-
ga doonayaa in uu u dhan yahay Qalabka Garsooridda.

Qod. 14aad

Garsooraha Caalamiga ah wuxuu ka Garsoori ka-
raa (CALAN HAYAHA KA NOQON KARAA)

1. Cayaaraha Caalamiga ah
2. Cayaaraha heerka 1aad
3. Haddii loo baahdana Cayaaraha heerarka hoose

(2) Garsooraha heerka 1aad, wuxuu ka Garsoorka ka
raa (CALAN HAYANA KA NOQON KARAA)

1. Cayaaraha heerka 1aad
2. Cayaaraha Saaxiibtinimada ee Caalamiga ah
3. Haddii loo baahdana Cayaaraha heerarka Hoose

(3) Garsooraha heerka 2aad, wuxuu ka Garsoorka
karaa.

1. Cayaaraha heerka 2aad
2. Cayaaraha Tijaabada ah ee heerka 1aad
3. Cayaaraha Gobollada & kuwa Dugiiyada
4. Cayaaraha Jaamacadaha & Ciidamada

(4) Garsocraha heerka 3aad wuxuu Garsoore ka no-qon karaa:

1. Cayaarahi heerka 3aad
2. Cayaarahi Dugsiyada
3. Cayaarahi Degmoyinka
4. Cayaarahi Ururada Ubaza Kacaanka.

Qod. 15aad

Garooruhu wuxuu awqoil Sharci u leeyahay.

(A) In uu ka Garsooro Ciyaar kasta oo si rasmi ah loogu magacaabo bilowgeda ilaa dhamaad keeda. Isaga oo ka kaashanayo Labada Calanhaye ama Garsooraha 2aad.

(B) In uu Garoonka ka saaro cidcii wax u dhimeysa habsami u hoggaaminta Cayaarta.

(T) In uu u yeerto Ciidamada Nabab gelyada had duu uga maarmi waayo adkeynta Nabab gelyada Garoonka.

Qod. 16aad

Garsooraha waxaa ka reeban:

1. In uu faafiyoo isagoo ka ceeb sheegaya Go'aamada ka soo fulla Xiriirada iyo Hay'adaha kale ee Ispoortiga Maamulka.
2. In uu si aan haboonayn u fasiro tallaabo uu qaaday Garsoore kale oo ku saabsan Cayaartoow ama ruux kale oo Cayaartu khuseyso.
3. In uu galoo maamul Ispoortiga (NAADI, GOBOL, DEGMO AMA MEEL KALEBA).
4. In uu ka magnaado Ciyaar rasmi ahaan loogu ma-

5. In uu ka ceeb sheego Garsoore kale oo gudanaya Xilkiisa Garsoorenimo.
6. Waa in Garsooraha ayaan marna ka muuqan nebcasho ama jecayl kooxeed ahaa Naadiyeed.
7. Waa in uusan cudur daa'laan ka maqnaan layli, Tababar, shir hawleed oo rasmi ahaan loogu yeeray
8. Haddii Garsooraha lagu cadeyo todobadaas fal ee kor ku qoran mid ka mid ah waxaa loo cuskanayaa Xarfaha (F) ee qodobka 11aad ee Xeerkaan.

QAYBTA 3AAD

(XUQUUQDA GARSOORAH)

Qod. 17aad

Garsooruhi si uu xilkiisa Garsoorenimo u guuto wuxuu xaq u leeyahay.

1. Garsooruhi marka uu Garoonka ku jiro wuxuu guudanayaa xil Qaran ciddii dhib u geystana waxaa la horgeynayaa Maxkamadda ku shaqa leh dhibka loo geystay ama dembiga laga galay.
2. Wuxuu xaq u leeyahay hal joog oo Dharka Garsooreyaasha ah Labadii Sanoba hal mar.
3. Wuxuu xaq u leeyahay hal Firimbi Labadii Sanaba.
4. Wuxuu xaq u leeyahay hal joog oo kaba Ispoorti ah Labadii Sanaba hal mar.
5. Wuxuu xaq u leeyahay Laba joog oo Kaalsa ah Labadii Sanaba hal mar.
6. Wuxuu xaq u leeyahay Baaris Caafimaad oo Dalka gudihiisa ah Labadii Sanaba hal mar.
7. Wuxuu xaq u leeyahay xaq siin markay dhibi ka soo gaarto gudashada xilkiisa Garsoorenimo.
8. Wuxuu xaq u leeyahay Gunno Garsoore marka uu Cayaar Rasmi ah oo xiriirkisu u magacaabay qabto taas oo lagu cadeyn doono Amar gaar ah oo heer Wasiir ah.

9. Wuxuu xaq u leeyahay in la dhowro Nabad gelya diisa inta uu xilka Garsoorenimada gudanayo waa na inta u dhixeysha waqtiga Cayaarta la bilaabo ilaa ay ka dhamaato.
10. Ciddii Garsooraha wax ku gaarsiisa arrin la xiriirta Cayaar dhix dhixaadiyey waxay la mid tahay iya doo wax lagu yeelay isaga oo gudanaya xilkiisa Garscorenimo.
11. Go'aanka Garsooruuhu gaaro marka uu Cayaarta ka Garsoorayoo waa kama dambeys hadii uusan jebin qodob ka mid ah Sharchiyada u degsan maamulka Cayaarta uu dhix dhixaadinayo.
12. Haddii ay cadaato in Garsooruuhu jebiyey qodob ka mid ah Xeerkii Cayaarta uu ka garsoorayoo u degsan, Guddi gaar loogu magacaabo ayaa gelaya Dacwa da laga soo Oogey Go'aanka ka gaaraya.

QAYBTA 4AAD

(MUDNAANTA GARSOORAH)

Qod. 18aad

Xiriirku marka uu Garsoore cusub ku qorayo Lii ska Garsooreyaasha Caalamiga ah wuxuu awood u leeyahay in uu ku doorto Garsooraha cusub: Kartidii sa, Aqoontiisa Farsamo, Kacaanimadiisa iyo Wadani nimadiisa.

Qod. 19aad

Haddii Laba Garsoore isaga mid noqdaan shuruu dhaa kor ku xusan Xiriirku wuxuu tixgelin gaar ah siinayaa Ninka ku fiican Luqadaha Shisheeye haddii ayaan jirin sababa kale oo lagaga reebi karo.

Qod. 20aad

Marka uu jiro Tababar Garsoorenimo ee Debadda loo aadayo waxaa soo jeedinaya Guddiga Garsooreyaa sha waxaana ogolaanaya Xiriirkka oo la tashaday Gud diga Olibikada Qaranka.

Qod. 21aad

Xiriirka ama Guddiga Olimbikada Garsoore waa u magacaabi karaan Tababar Debadda haddii loo arko in uu mudan yahay.

Qod. 22aad

Xiriir kastaa waa in uu sameyaa Tababar Garsoor renimo ugu yaraan hal mar Sanadkiiba si loo soo saaro Gar soorayaal xag aqooneed iyo xag Farsamoba ka dhisan.

QAYBTA 5AAD

(GUDDIYADA GARSOOREYAASHA)

Qod. 23aad

Garsooreyaashu waxay Labadii Sanaba hal mar iska dooranayaan «GUDDI GARSOORE» oo u xil saaran Maamulka Arrimaha Garsooreyaasha, wuxuuna ka koo ban doonaan:

- | | |
|-----------------|-------|
| 1. Guddoomiye. | Hal |
| 2. G/KU Xigeen. | Hal |
| 3. Xoghaye. | Hal |
| 4. Xubno. | Labo. |

Qod. 24aad

Guddiga Garsoorayaashu marka uu magacaabay Garsoore Cayaareed gaar ahaan Cayaaraha Culus wu xuu la tashaaya Xiriirka uu Hoos yimaado.

Qod. 25aad

Xilka iyo Waajibaadka Guddiga Maamulka Garsoorayaasha waxaa lagu caddeyn doonaa Xeer nidaamiya gaar ah oo Xeerkana la socon doona.

Qod. 25aad

Guddiga Maamulka Garsoorayaasha waxaa ka mid noqon kara Garsoorayaasha Caalamiga ah & kuwa hee rka laad & Garsoorihii loo arko in uu xilkaas fulin karo.

Qod. 26aad

Garsooraha xubinta ka noqonaya Guddiga Garsoo
rayaasha waa in uu yahay Garsoore ladda haya haw
sha Garsooranimada.

Qod. 27aad

Waxaana lagu soo saari doonaa Faafinta Rasmiga
ee Daladda J. D. Soomaaliyeed.

Qod. 28aad

Xeerkani wuxuu dhaqan gelayaa laga bilaabo Taa
riikhda uu saxiixo Wasiirka Wasaaradda Dhalinyarada
& Ispoortiga.

Muqdisho, 20 Abriil 1982ka.

G/Sare Mire Awaare Jaamac
WASIIRKA W/DH & ISBORTIGA